

Toletana Decimarum quoad  
Tenutas de Perobequez,  
& Vrtada.

28

*Reu. Pater.* **D**ecretanda omnino videtur Causæ expedi-  
ditio quia quoad Tenutas de Perobe-  
quez, & Vrtada bonum lus Monialius non potest esse magis con-  
spicuum, quia Moniales exemptæ fuerunt vsque de anno 1378, à  
solutione Decimarum ex fructibus quos colligebant ex Tenuta de  
Perobequez tunc æstimata duodecim mille Merapetinis, *ut ex se-  
cundo Summario Aditiionali num. 2. litt. M.* quæ exemptio fuit  
semper, & inconcussè obseruata, quia Moniales namquam persol-  
uerunt Decimas ex fructibus quos ex dictis Tenimentis colligebant  
vt deposuerunt testes, formiter examinati anno 1642., qui depo-  
suerunt cum requisitis Immemorabilis *Summario Principalium. 1.*  
quæ hodie magis confirmate remanent ex depositionibus testium,  
dicto anno 1642. examinantorū ex parte Reuerendissimi Archiepis-  
copi Toletani, vt probaui in Memoriali prò expeditione, & Sum-  
mario distributo cum eodem Memoriali, & plenè probant nostræ  
decisiones.

*Pars* Aduersa prò habendo aliquo prætextu extorquendi nouam Au-  
dientiam, nuper dimisit in actis integrum processum fabricatum  
anno 1642., ex quo prætendit probari quod septem Testes tunc  
ex parte Reuerendissimi Archiepiscopo examinati deponant, quod  
Archiepiscopus erat in quasi Possessione exigendi Decimas Reales,  
& mixtas ex singulis Prædijs, & Pascuis ad Monasterium spectan-  
tibus in dd. Tenutis de Perobequez, & Vrtada.

Hoc autem suppositum est à veritate alienum, quod vt facilius osten-  
datur, est præmittendum, quod Perobequez, & Vrtada sunt duo  
Oppida, quæ eximia habent Territoria, vt deposuerunt Testes ex  
parte Archiepiscopi super tertio Articulo, *ut ex Summario Partis  
hodierno num. 9. litt. T.*, & passim in dicto Summario. Testes autem  
examinati anno 1642. ex parte Archiepiscopi solum deponunt,  
quod Archiepiscopus erat in quasi Possessione percipiendi Decimas  
in dd. Decimatorijs, & Territorijs de Perobequez, & Vrtada,  
sed nullus ex illis deponit, quod Archiepiscopus erat in quasi Pos-  
sessione exigendi Decimas a Monialibus ex fructibus quos collige-  
bant in suis Tenutis de Perobequer, & Vrtada, quinimo primus ex  
dd. Testibus dicto *Summario Partis num. 9.* deponit nescire an Mo-  
nasterium, & Moniales Decimas persoluerent.

Secundus vero Testis paritèr deponit de quasi Possessione Archiepis-  
copi exigendi Decimas ex particularibus, qui possidebant bona

in dd. Territorijs Villarum de Perobez, & Vrtada, & dicit  
ignorare neque habere notitiam quod Moniales Nostri Monasterij  
ynquam decimam persoluerint quodque cum ipse fuisset Conductor  
Decimarum in dd. Tenimentis, Decimam non exegerit, vt ex dicto  
*Summario Partis dicto num. 9. litt. Z. 3. & litt. BB.*

Tertius verò Testis de quo in *Summar. Partis dicto num. 9. litt. CC.* de-  
ponit de quasi possessione Archiepiscopi exigendi Decimas ex habi-  
tantibus in Villa de Perobez, & nullus ex his tribus Testibus  
deposuit Archiepiscopum Decimas exegisse a Monialibus ex fructi-  
bus, quos Moniales colligebant ex suis Tenimentis, sed omnes d.d.  
tres deposuerunt non habuisse notitiam, quod Moniales ex supradic-  
tis fructibus Decimas soluebant, ceteri verò quatuor Testes licet  
deposuerint de quasi possessione Archiepiscopi exigendi Decimas  
omnium fructuum, quæ colligebantur in d.d. Decimatorijs à singu-  
laribus personis, qui in illis Territorijs possidebant, vel colebant  
bona, & specificè exceptuarunt Moniales nostri Monasterij, & de-  
posuerunt illas nunquam Decimas persoluisse, vt plenè probauit in  
Memoriali pro expeditione, in quo transcripsi de verbo ad verbum  
d.d. quatuor Testium depositiones, & liquet ex *Summario Partis  
num. 9. litt. HH. litt. LL., & litt. QQ., & litt. SS.* ita vt ex septem  
Testibus examinatis anno 1642. ex parte Archiepiscopi, tres de-  
posuerunt non audiuisset, neque sciuisset, quod Moniales soluissent De-  
cimas ex fructibus quos colligebant in Tenutis de Perobez, &  
& Vrtada, alij verò quatuor deposuerunt de quasi possessione Ar-  
chiepiscopi in genere exigendi Decimas ab habitantibus locorum de  
Perobez, & Vrtada, & quod nunquam Archiepiscopus exe-  
gerit Decimas ex fructibus quos ex dd. Territorijs Moniales exige-  
bant, idcirco ratione huius noui Processus ex aduerso producti ex  
quo magis confirmatum remanet bonum Ius nostri Monasterij, ne-  
quit sub hoc pretextu pretendere nouam audientiam, quæ eo dum-  
taxat casu esset concedenda quo aliqua probatio resularet fauor  
Archiepiscopi, secus verò quando magis confirmatum remanet bo-  
num Ius nostri Monasterij.

Alius pretextus sub quo prætendit Pars Aduersa nouam Audien-  
tiam fundatur in eo, quod nostræ favorabiles Decisionis sunt inter  
se discordes, nam in illa Reuerendissimi Cæri prodijt fauore Mo-  
nialium resolutio ex sola consuetudine immemorabili, quodque  
secunda non solum innitur in eadem consuetudine, sed etiam in ti-  
tulo exemptionis Monialibus concessæ anno 1368. cum nihilomi-  
nùs in dictus titulus in *Decis. edita 26. Iunij 1722.* fuerat confutatus,  
verum vanus est hic pretextus, nam licet in *decisione edita 26. Iunij  
1722.* fauore Reuerendissimi Archiepiscopi fuerit confutatus dic-  
tus titulus, confutatio tamen processit ex quo dictus titulus ex  
nostra parte productus in Signatura Iustitiæ, non erat in forma præ-  
banti, vt ex lectura dictæ Decisionis apparet, quocirca si postmo-  
dum

dum Pars Aduersa ad faciendam rem gratam nostris Monialibus  
post publicatam primam fauorabilem Decisionem die 15. Ia-  
nuarij 1723. produxerit titulum formitèr compulsatum à suo ori-  
ginali reposito legali, & publico, vt testatur Iudex Compulsorialis  
ex aduersa Parte assumptus nostro secundo *Summario Additionali*  
*num. 2. litt. T.* ibi = *Perilche ad istanza del medesimo Agente* ( scilicèt  
Archiepiscopi ) *esfrassi una copia di un Instrumento scritto di lettera*  
*antica in carta pecora, che parue essere sano, & intero, e senza al-*  
*cun vizio, e sospetto, e contiene la licenza, che si diede per la fonda-*  
*zione di detto Monastero &c.* vtiquè ex productione tituli facta ab  
Aduersario in forma publica, & legali magis confirmata remansit  
Iustitia Monialium, nequè ex hoc Decisiones dici possunt inter se  
discordes, sed nouissima fundata in alio validiori fundamento, stan-  
te productione tituli in forma publica ex aduerso facta.

Tertio prætenditur noua audientia sub prætectu, quod ex processu  
intero compilato anno 1642. prætenditur collabescere consuetu-  
do immemorabilis fauore nostri Monasterij ex quo 7. Testes exa-  
minati ex parte Archiepiscopi anno 1642. deposuerunt de quasi  
possessione Archiepiscopi exigendi Decimas ex omnibus fructibus,  
qui colligebantur in d.d. Tenutis de Perobequez, & Vrtada, quod  
quidem fundamentum, est adeò inane, vt sola lectura depositio-  
num dictorum Testium destruit Partis prætensionem; nam dd. Te-  
stes deposuerunt de quasi possessione Archiepiscopi exigendi Deci-  
mas à particularibus, qui possidebant, vel colebant bona in Deci-  
matorio de Perobequez, & Vrtada, & expressis verbis depununt,  
quod Archiepiscopus dictam possessionem non habebat aduersum  
Moniales, quæ ex omnibus fructibus cuiusque speciei nunquam  
Decimam persoluerunt, vt liquet ex verbis transcriptis in meo Me-  
moriali pro expeditione, à S. Quarto Testis vsquè ad finem, vn-  
de corrunt etiam illationes, quæ desumuntur ex supposita proba-  
tione possessionis fauore Archiepiscopi.

Minus obstat, quod dd. Testes deposuerunt, quod Tenutæ, de qui-  
bus agitur, sint communes quoad pascua, quodque Archiepisco-  
pus exegit Decimas ex animalibus, qui pascebant in dictis Tenutis,  
verùm quidquid sit an pascua sint communia, quia super hoc Te-  
stes non videntur probare, præsertim quia primus Testis Archie-  
piscopi deposuit quod Monasterium erbas dictorum Tenimento-  
rum vendebat maiori oblato, vt ex nostro *Summario num. primo*  
*litt. N.* ibi = *e che ora non pascola ne' detti Termini per esser state*  
*erbe date all'oblato maggiore*, prout quoque 6. Testis, de quo in  
nostro *Summario num. primo litt. DD.* deposuit ipsum conduxisse 16.  
annis ante pascua à nostro Monasterio, ibi = *e specialmente le vid-*  
*de pagare ad Andrea Rodriguez, che pascolò col suo bestiame nel det-*  
*to Termine circa 16. anni fa per auer preso in affitto il pascolo di detto*  
*Termine dal Monastero sudetto*, sunt enim incompatibilia pascua  
esse



esse communia conuicinis locorum adjacentium, quodque Monasterium in suis Tenutis locat erbas ad pascendum, dicimus quod Archiepiscopus exegit Decimas ab Affictuarijs pascuorum Monasterij ad quos exemptio Monialium non extendebatur, sed nunquam exegit Decimas à Monialibus tempore quo proprias greges depascere faciebant in dictis Tenimentis, quæ denique subiiciuntur quod nostrum Monasterium non probet quas Terras coluit dictis Tenutis de Perobez, & Vrtada, & in quibus pascuis suos greges de pascere faciebat, sed quod probet possessionem errandam, vagam, saltuariam, & incertam, nam non solum auctoritates in contrarium adductæ procedunt in terminis exemptionis realis non autem procedunt in terminis exemptionis personalis, in prima enim vera est propositio tantum præscriptum, quantum possessum, non autem procedit in exemptione personali qualis est illa qua frui debet Monasterium, cum enim exemptio personalis non habet locum in casu quo Tenuta, seu pars illius locetur, quia exemptio personalis non extenditur ad colonos, & affictuarios inde sit, ut possessio exemptionis personalis esse non possit, nisi saltuaria cum ea Moniales gaudere non possunt, nisi quoties Tenuta seu partem illius proprijs expensis colunt. Dicimus etiam quod cessat omnis difficultas in præsentis hypothese, dum Aduersarij produxerunt titulum personalis exemptionis, & alium titulum quo Moniales declarantur exemptæ à solutione Decimarum ex fructibus quos colligerent ex tota Tenuta de Perobez, ut firmat *assera nouissima decisio S. finali*, prout quoque hodie non est opus examinare an concurrant omnes circumstantiæ, quæ inducunt perfectam probationem immemorabilis, quia dum Pars aduersa produxerit titulum clarum exemptionis personalis nostri Monasterij, nobis sufficit docere quod ad formam dicti tituli Moniales semper fuerunt in quasi possessione personalis exemptionis, quia nobis sufficit docere effectuationem, & obseruantiam dicti tituli.

*Ag*noscit Pars aduersa efficaciam nostræ obseruantiae, eamque diligere satagit obseruantiam esse titulo difformem sub prætextu, quia concessio præsefert exemptionem realem bonorum taxatiuum in summa 25, mil. merapetitorum, obseruantia verò iuxta quam Moniales probarunt fuisse exemptas quoad bona, quæ coluerunt proprijs expensis concernit exemptionem personalem, & proinde obseruatio est cum titulo incompatibilis, quandoquidem est falsum suppositum Partis, quod exemptio concessa anno 1368. sit realis, cum illa sit personalis, ad effectum enim cognoscendi an exemptio sit realis, vel personalis habemus magistralem glossam in *Clementina prima de Decimis* verbo *excollendas vers. sed nunquid*, ibi == *sed non quid coloni partiales, vel censuales priuilegiatorum simpliciter super Decimis non soluendis tenentur ad Decimas puto ponderando verba priuilegiatorum, quæ si eximunt Terras ipsorum ab hoc onere coloni* co.

colentes illos priuilegio participant, si verò eximunt personas, tunc licet illi de sua parte non soluant, coloni non exempti de sua soluent = quam glossam communiter sequuntur Canonistæ; præsertim Abb. in Clem. num. 10., ibi = An Coloni Censuales, vel Partiarij priuilegiatorum simpliciter super Decimis non soluendis teneantur ad Decimas, vide bonam glossam hinc in verbo excolendas, quæ conclusit ponderanda verba priuilegij, si enim priuilegium eximit eorum Terras ab hoc onere, tunc Coloni Colentes illas participant priuilegio, si verò eximit personas tunc licet illi de sua parte non soluant, Coloni tamen non exempti de sua soluent quod bene notat ad similia, & comprobatur ibidem Zabarella num. 21., ibi = Vigesimo secundo quæro an Coloni Partiarij, vel Censuales priuilegiatorum super Decimis non soluendis teneantur ad Decimas glossa eadem dicit ponderanda verba priuilegij an eximat Terras, vel Personas, primo casu non tenentur, secundò sic, idem Paulus de Eleazar, qui pro hoc ultimo inducit quod cum priuilegium concessum sit personis obligatio Colonorum separata est ab obligatione priuilegiatorum, idè vnus obligatio nis remotio non inducit liberationem alterius, sed remaneat Coloni in propria obligatione idemque probant super dicta Clem. Ancharan. num. 6., Imol. num. 14., Vitalin. num. 29., Barbof. num. 4., & plenè Rota decis. 23. num. 5. par. 2. diuers.

Videamus itaque an Archiepiscopus, & Capitulum d. anno 1369, exemerit bona Monialium, vel potius Moniales, & est indubitatum fuisse exemptas Moniales, quoad bona valoris 25. mil. merapetinum, non autem fuisse exempta bona, ibi = E che le Monache non paghino Decime di quelle possessioni, quali hanno da essere della quantità, e valore di 25. mila marauidis di questa moneta vsuale, & che ora corre = dicto Summario Num. 1. Litt. KK., & Litt. TT., & magis specificè liquet ex Instrumento rogato anno 1412., cum enim tunc temporis duo Canonici delegati fuerint ab Archiepiscopo, & Capitulo, vt æstimarent bona quæ tunc Monasterium possidebat an excederent valorem 25. mil. merapetinum in Instituto delegationis fuit eis commissum, vt viderent an bona excederent dictam summam, & tunc mandarent, vt Moniales soluerent decimas, ex fructibus bonorum quæ possident ultra dictam summam secundo Summario Additionali Num. 2. Litt. C. cumque delegati processerant ad extimationem præsertim totius Tenimenti de Peroquez fuit æstimata 12. mil. merapetinis Summario d. Num. 2. Litt. M., & delegati declararunt quod attento, quod Moniales non possidebant bona quæ ad dictam summam ascenderent, proinde illas non teneri ex fructibus dictorum bonorum decimarum persolvere Summario dicto Num. 2. Litt. O. in fine, & magis specificè Litt. P., ibi = Et hac ratione debant, & dederunt pro liberis, & exemptis dd. Moniales, & Monasterium à solutione Decimarum ex fructibus hereditatum, & bonorum supradictorum, quæ nunc possident.



*dens*, cum itaque mediante dicta concessione fuerunt declarate exemptæ Moniales, & non bona, utique exemptio est personalis, & non realis, iuxta theoricam per supradictos Doctores ex traditam, & proinde si Moniales non soluerant Decimas ex fructibus dd. Tenentiarum, quæ proprijs expensis excoluerunt, sed Decima soluta, fuit à Colonis, Partiaris, & Censualibus fit evidens, quod dicta concessio personalis exemptionis fuerit semper obseruata, & effectiuata, indubitanter quia in dubio semper exemptio indicanda est personalis, & non realis ratione minoris præiudicii quod inferretur habenti iuris assistentiam, ut benè probat *Rot. dicta decis. 23. nu. 7. par. 2. diuers.*, adeo ut ista obseruantia magis declarauit d. exemptionem fuisse personalem, & non realem hinc cessat obiectum exaduersò allegatum, quod scilicet quemadmodum per non usum ammittitur priuilegium Apostolicum, ita etiam per non usum Moniales amiserunt exemptionem ipsis concessam ab Archiepiscopo, & Capitulo, nam hoc partis fundamentum corrui in supposito, nam Moniales semper gauisæ fuerunt dicta exemptione personali, ut deposuerunt Testes examinati tam ex parte Archiepiscopi, quàm ex parte Monialium anno 1642., quàm anno 1702., ut probant nostræ Decisiones.

Subiungitur in contrario Restrictu, quod probatur inobseruantia dictæ concessionis tam ex parte Archiepiscopi, quàm ex parte Monialium, ex parte quidè Archiepiscopi, ex quo statim ac notitiam habuit, quod Monasterium Decimas soluere recusabat non solum Iudicium instituit, sed etiàm Testes examinavit, qui deposuerunt de quasi possessione Archiepiscopi, sed dicimus ex facto Archiepiscopi magis remansisse confirmatam dictam exemptionem, dum non solum Testes ab ipso examinati deposuerunt de personali exemptione Monialium, sed etiàm Testes examinati ex parte Monialium, & magis est, quod Vicarius Archiepiscopi sententiam fauore Monialium promulgauerit, de quo in *Summario nostro principali Num. 2., & hodierno Partis Summario Num. 9. lit. XX.*, sed etiam Archiepiscopus dictæ sententiæ acquieuit, & passus fuit, ut Moniales continuarent in dicta quasi possessione personalis exemptionis, & sic ex facto tam patenti potius confirmata remansit nostrarum, Monialium exemptio personalis.

Multò minùs ineffectuatio desumi potest ex facto extrajudiciali Monialium, ex quo in dicta exemptione adiecta fuerunt plura pacta, nempe quod Moniales iurare deberent obseruantiam pactorum, quod soluere deberent Decimas ex fructibus Bonorum, quæ excederent quantitatem 25. mil. merapetinorum, quodque soluere deberent quartam legatorum, quæ dicto Monasterio fierent pro sepultura in Ecclesia, quodque Moniales nunquàm dicto pacto obseruauerunt, nam si Pars prætendit Moniales dicta pacta non seruasse, tenetur id probare, & quatenus facta fuisset dicta probatio non re-  
leparet, quia nullum aliud ius habere posset, nisi compellendi Mo-

Moniales ad obseruantiam pastorum, cum in dicta concessione nullum legatur pactum resolutiuum, iuxta quod cessare deberet exemptio si dicta pacta non seruarentur. Si itaque Pars aduersa neque probat pastorum ineffectuationem, & probata non releuant, & Moniales satis, superque docent ipsas semper fuisse in quasi possessione passiuæ exemptionis, utique cessat Partis fundamentum, prout quoque cessat aliud fundamentum, quod Moniales nunquam allegarunt hanc exemptionem concessam ab Archiepiscopo, & Capitulo anno 1368. & 1378., sed solum allegarunt Priuilegium Apostolicum, seu Priuilegia concessa Ordini Patrum Dominicanorum, quodque dicta Priuilegia concessa Ordini Prædicatorum in Actis produxerunt.

Dicimus enim, quod allegatio Priuilegij Apostolici non est contraria dictæ concessioni, nam cum semper fuerint in quasi possessione personalis exemptionis, quam semper allegarunt, utique ex tam diuturna obseruantia quemadmodum præsumitur fuisse confirmatam per Sedem Apostolicam, ita potuerunt Moniales titulum Priuilegij Apostolici allegare, nec est verum in facto, quod Moniales anno 1642., aut quod in præsentis Iudicio produxerunt Priuilegia super exemptione Decimarum per Sedem Apostolicam concessa Ordini Prædicatorum, nam veritas est, quod neque in Iudicio anni 1642., neque in præsentis Iudicio Moniales aliquod Priuilegium Sedis Apostolicæ produxerint, siue generale fauore Ordinis Dominicanorum, siue speciale fauore Monasterij, sed allegarunt Priuilegium Apostolicum præsumptum ex Consuetudine immemorabili, & Pars aduersa ad faciendam rem gratam nostro Monasterio produxit titulum exemptionis personalis solemniter, & ex iustis causis, & iuxta Canonicas Sanctiones concessi in limine foundationis per Archiepiscopum, & Capitulum, quod cum fuerit per quatuor fere secula obseruatum, quemadmodum præsumitur intercessisse Apostolicam confirmationem, ita Moniales allegare potuerunt d. exemptionem personalem illis competere ex Priuilegio Apostolico, quæ non enervat efficaciam concessionis ab Aduersario compulsatæ, & productæ, cum itaque ex Iuribus nouiter exaduerso deductis magis confirmata remaneat iustitia nostrarum Decisionum, merito speramus decernendam esse Causæ expeditionem, prout supplicatur.

Quare &c.

V. A. Caualletti.

R. P. D.

# FALCONERIO


*Toletana Decimarum quoad Ten-  
tas de Perobezquez, & Vrtada,*

P R O


Ven., & Regio Monasterio Monialium  
clausarū Ordinis S. Dominici Ciui-  
tatis Toleti.

C O N T R A

Illmos DD. Archiepiscopum, & Capitu-  
lum Toletanum, & alios Decimarum  
Comparticipes.



*Responsio ad Restrictus Partis  
Aduerse.*



✠ Typis Zinghi, & Monaldi 1724